

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
- Općinski načelnik-

Broj: 07- 16 /2014.
Datum: 20.01.2014.godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine FBiH“, br.34/03), člana 3. Odluke o uslovima i kriterijima u postupku imenovanja u Regulirane organe („Službeni glasnik općine Srebrenik“, br.1/2013) Općinski načelnik **o b j a v l j u j e**:

JAVNI OGLAS

za izbor i imenovanje predsjednika i članova upravnih odbora
Javnih ustanova čiji je osnivač općina Srebrenik

I – JAVNE USTANOVE

I -1 - Javni oglas za izbor i imenovanje na upražnjene pozicije u Upravnom odboru Javne ustanove Centar za socijalni rad Srebrenik, a čiji je osnivač Općina Srebrenik

Upravni odbor Javne ustanove Centar za socijalni rad Srebrenik broji 5 (pet) članova, od kojih su tri člana predstavnici osnivača – Općina Srebrenik, a dva člana iz reda stručnih uposlenika Javne ustanove Centar za socijalni rad Srebrenik.

I – 2 –Javni oglas za izbor i imenovanje na upražnjene pozicije u Upravnom odboru Javne ustanove za odgoj i obrazovanje djece predškolskog uzrasta Srebrenik.

Upravni odbor Javne ustanove za odgoj i obrazovanje djece predškolskog uzrasta Srebrenik broji 3 (tri) člana od kojih se jedan član bira ispred osnivača, jedan član iz reda stručnih uposlenika ustanove i jedan član ispred vijeća roditelja.

I – 3 – Javni oglas za izbor i imenovanje na upražnjene pozicije u Upravnom odboru Javne ustanove Centar za kulturu i informisanje Srebrenik.

Upravni odbor Javne ustanove Centar za kulturu i informisanje Srebrenik broji 5 (pet) članova, od kojih su tri člana predstavnici osnivača-Općina Srebrenik, a dva člana iz reda stručnih uposlenika Javne ustanove Centar za kulturu i informisanje Srebrenik.

I – 4- Javni oglas za izbor i imenovanje na upražnjene pozicije u Upravnom odboru Javne ustanove Narodni univerzitet Srebrenik.

Upravni odbor Javne ustanove Narodni univerzitet Srebrenik broji 3 (tri) člana, od kojih se dva člana imenuju ispred osnivača –Općina Srebrenik, a jedan član iz reda stručnih uposlenika ustanove.

II – OPIS POZICIJE

Upravni odbor je organ upravljanja, čije su nadležnosti sledeće:

- donosi pravila ustanove
- imenuje i razrešava direktora ustanove
- utvrđuje planove rada i razvoja
- utvrđuje godišnji program rada
- donosi finansijski plan i usvaja godišnji obračun
- donosi opšti akt o unutrašnjoj organizaciji i sistematizaciji radnih mjesta i druge opšte akte u skladu sa zakonom
- odlučuje o svim pitanjima obavljanja djelatnosti radi kojih je Ustanova osnovana, ako zakonom nije određeno da o određenim pitanjima odlučuje drugi organ Ustanove
- usmjerava, kontroliše i ocjenjuje rad direktora
- rješava sva pitanja odnosa sa osnivačem
- odlučuje o korištenju sredstava preko iznosa utvrđenog pravilima Ustanove
- odlučuje o prigovoru radnika na rješenja kojim je drugi organ određen pravilima ustanove odlučio o pravu, obavezi i odgovornosti radnika iz radnog odnosa
- podnosi osnivaču najmanje jedanput godišnje Izvještaj o radu i poslovanju Ustanove
- vrši i druge poslove u skladu sa zakonom i pravilima ustanove

Predsjednik Upravnog odbora saziva sjednice odbora, rukovodi sjednicama odbora, stara se o pripremi materijala za sjednice odbora, o izvršavanju akata odbora i obaveza odbora prema osnivaču, te druge poslove utvrđene zakonskim

propisom i pravilima ustanove.

Predsjednik i članovi Upravnog odbora javnih ustanova čiji je osnivač općina Srebrenik imenuju se na period od četiri godine, uz mogućnost ponovnog imenovanja u skladu sa važećim propisima.

Imenovani u Upravni odbor imaju pravo na novčanu naknadu u skladu sa odgovarajućom odlukom osnivača ustanove i općim aktima ustanove.

III- USLOVI ZA IMENOVANJE

Kandidati za pozicije iz tačke I moraju ispunjavati sledeće opće i posebne uslove kako slijedi:

A- OPĆI USLOVI:

1. da su državljani Bosne i Hercegovine
2. da su stariji od 18 godina,
3. da se na njih ne odnosi član IX.1. Ustava Bosne i Hercegovine
4. da nisu na funkciji u političkoj stranci u smislu član 5.Zakona o ministarskim, vladinim i drugim imenovanjima Federacije Bosne i Hercegovine.
5. da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u organima vlasti Federacije Bosne i Hercegovine i Zakona o sukobu interesa u institucijama vlasi Bosne i Hercegovine,
6. da nemaju privatni interes u ustanovi u kojoj se kandidiraju u smislu člana 2.Zakona o ministarskim, vladinim i drugim imenovanjima u Federaciji Bosne i Hercegovine,
7. da nisu otpušteni iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana objavljivanja upražnjene pozicije.

B- POSEBNI USLOVI

1. da imaju završenu srednju, višu ili visoku stručnu spremu
2. da imaju najmanje jednu godine iskustva u struci
3. da nisu članovi upravnog ili nadzornog odbora u više od jednog reguliranog organa

IV- POTREBNA DOKUMENTA

Pismene prijave sa kraćom biografijom kandidata treba da sadrži adresu stana, kontakt telefon, te dokaze koji se prilažu uz prijavu na javni oglas u originalu ili ovjerenoj fotokopiji i to:

- uvjerenje o državljanstvu (ne starije od 6 mjeseci)
- izvod iz matične knjige rođenih (ne stariji od 6 mjeseci)
- uvjerenje o nevođenju krivičnog postupka i postupka za privredni prijestup (ne starije od 3 mjeseca dostavit će kandidati koji prođu konkursnu proceduru i koji budu imali najbolje rezultate prije donošenja rješenja o konačnom imenovanju).
- dokaz o stručnoj spremi
- dokaz o radnom iskustvu
- ovjerenu izjavu pod tačkom A za redne brojeve 3 do 7 i pod tačkom B za red. br 3.

V – DODATNA POJAŠNENJA

Konačno imenovanje svih izabranih članova Upravnih odbora vrši Općinski načelnik.

Javni oglas će biti objavljen u Službenim novinama Federacije BiH i jednom od dnevnih listova koji izlaze na teritoriji Bosne i Hercegovine, a bit će otvoren 15 dana od dana objavljivanja, računajući od dana poslednjeg objavljivanja.

Prijave sa potrebnom dokumentacijom mogu se dostaviti lično putem pisarnice općine Srebrenik ili preporučenom pošiljkom u zatvorenim kovertama na sledeću adresu: Općina Srebrenik, ul. 211. oslobođilačke brigade, 75350 Srebrenik (sa naznakom za javni oglas za Upravni odbor- ne otvarati) uz napomenu na koju poziciju odnosno koji Upravni odbor se prijava odnosi.

Sve prijave koje pristignu u propisanom roku pregledat će Komisija za izbor imenovana od nadležnog organa u skladu sa pozitivnim zakonskim propisima, koja će obaviti intervju sa kandidatima koji ispunjavaju uslove, sastaviti listu kandidata koji ispunjavaju uslove i kriterije za imenovanje, te predložiti Općinskom načelniku rang listu sa najboljim kandidatima za člana - predsjednika Upravnih odbora svih javnih ustanova navedenih u tački I ovog oglasa..

Podnosioci prijava s kojim se ne stupi u kontakt u roku od 10 dana od isteka roka za podnošenje prijave, neće biti uzeti u razmatranje u daljnjem postupku.

Bilo koji kandidat ili bilo koja druga osoba ima pravo podnijeti prigovor na konačno imenovanje, ako smatra da se u procesu imenovanja nisu ispoštovali zakonom utvrđeni principi.

Prigovor se podnosi Općinskom načelniku, a kopija prigovora se dostavlja Ombudsmenu za ljudska prava Federacije Bosne i Hercegovine .

Neblagovremene i nepotpune prijave neće se razmatrati.

OPĆINSKI NAČELNIK
Sanel Buljubašić